

GILBERT RAVEN REY DI TUMBA DI CARNAVAL



ORANJESTAD(AAN): Despues di a yega cerca di corona varios aña, diadomingo madruga e corona 96 a cay riba cabez di Gilbert Raven kende no por a contene su emocion riba escenario despues.

Un Gi Raven emocionante y yena di alegria y como persona mas feliz na mundo a ricibi e corona bay di gradecimnto na pueblo.

Tabata un anochi cu a bay hopi rapido te cu mester a keda yena e anochi pa rek e anochi pa e no termina mucho tempran.

Un total di 10 banda a participa e anochi aki cu un di nan descualifica y total di 17 cantante di cualnan 2 no a participa den concurso debi na e descualificacion.

Esaki tabata mas bien di Los Duques cu tabata tin un contratiempo pa por a presenta riba escenario ora cu nan a ser yama cu nan 2 participantenan.

Despues di e ultimo participante di anochi, Los Duques a subi escenario y a entretece e publico masha exitoso te ora cu resultado a bini cla.

A pesar cu hopi lo a considera e anochi un fracaso debi cu varios cantante y banda no a tuma parti e aña aki por bisa cu e anochi sin embargo por ser considera exitoso.

For di principio e publico a diverti den RCA di e tumbanan y cu Los Duques e lugar tabata "swing".

E bailamento di publico sigur tabata mas e aña aki cu añanan anterior y casi henter anochi dunando apoyo na cada candidato tumbero.

Vicente Kelly y Los Pimentoso a habri e anochi fuerte, sigui pa Grupo Chips cu Chicho Kock cu manera customber ta keda fuerte aspirante pa titulo. Chicho a bin ocupa di 4 lugar.

Boysie Croes a presenta cu banda musical completo y a deleita e publico cu su "Castigo no ta pisa".

Grupo Amistad a sorprende e anochi aki principalmente cu Isidro Maduro cu su Bebe Come y Lembe weya cu tabata mas pisa cu Edwin Croes cu su Dushi e ta bay asina.

Manera a ser spera Harold Koolman a pega atrobe cu The Original Band pero mester bisa cu e no tabata fuerte

manera aña pasa.

EQO si a baha pisa cu Alex Richardson y ora cu Ramphis a subi escenario por a ripara cu e tabata un favorito di anochi.

Ramphis a baha pisa cu su "Carnaval di nos" y a bira tambe e cantante mas popular di anochi.

Sensacion del Caribe a keda e mes sensacion di semper cu su sonido musical unico cu Eddy Casuela y Rafael Flanders cu a duna bon presentacion.

Despues a sigui Gilbert Raven cu Robert y su Solo Banda Show. E "Ban cende mecha di carnaval" a cay mes ora como un candidato pa premiacion y finalmente a bin resulta tambe e tumba ganador.

Tambe candidato pa premiacion a resulta Mario Steenen cu su "Nos ta bay" y cu a bira e prome finalista.

E unico participante femenino tabata Edseline Croes cu TIGO kende a canta "Dorna cu fantasia". Edseline a duna hopi bon presentacion y a ser bon comenta, e anochi aki.

Robert Maduro cu TIGO manera customber a presenta fuerte pero no sufi-

ciente pa por a bay cu e corona y a termina na di cinco lugar.

Finalmente a subi escenario Brave Bull Productions, un agrupacion di veteranonan musical den forma di un all stars banda pa acompaña Mr. Kikker y Didi Wemet.

Mr. Kikker a percura pa su "kick" di customber riba escenario, cu bon presentacion di su "Sake waye" pero no suficiente fuerte pa premiacion.

Di Didi Wemet cu su "Ta nos ta Aruba" mester menciona cu ta e atardi di chequeo di sonido, e banda a ensaya un biaha cu Didi y esey tabata tur tambe ya cu no tabata tin tempo mas pa ensaya. Nan a subi escenario, peresenta "Ta nos ta Aruba" y a bin ocupa tambe di 3 lugar e anochi aki.

Pa locual tabata e concurso di tumba mester bisa cu e tabata mas exitoso cu hopi hende a kere. E cantidad di publico si no a surpasa 3 mil y esaki lo pone cu e gastonan sigur lo ta hopi mas cu e entradanan e aña aki atrobe pa Asoma y SAC, y cifranan lo mester demostra esaki ya cu tabata tin tambe hopi bu-lamento.